



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

XI. Christus an sit verus Deus; verus Homo; idemque adorandus?

**urn:nbn:de:hbz:466:1-35233**

## QVÆSTIO XI.

*Christus an sit verus Deus; verus Homo; idemque Adorandus?*

XXVII. ANTICHRISTIANISMVS.  
1. **D**EVM esse perfectum IESVM, abnegant iuxta LUTHERANI & CALVINIANI.

2. Atque iidem & istud, Verum esse Hominem, plenè confiteri tergiverfantur.

3. Adorare verò horrent etiam. Vide in meo Luthero-cal. p. 1. q. 35. & 36. Inque Genealog. q. 12.

I. CHRISTVS. Pater est, qui testimonium perhibet de me, & ipse clarificat me. Qua causa, Mat. 3. Ecce vox de cælis dicens: Hic est Filius meus dilectus. &c. Idem Mar. 11.

2. Et verè, Luc. 2. ait Angelus ei: Ne timeas Maria, inuenit enim gratiam apud Deum; Ecce concipies, & paries Filium, & vocabis nomen eius IESVM.

3. Verè Dæmonium, Mar. 5. Quid mihi & tibi IESV Fili Altissimi? 1. Ioan. 3. In hoc autem apparuit Filius Dei; ut dissoluat opera diaboli.

4. Verè Martha, Ioan. 11. Vtique Domine, Ego credidi, quia Tu es Christus Filius Dei viui, qui in hunc mundum venisti.

II. CHRISTVS. Verus Homo venturus sum à Patre promissus, Ezech. 13. Suscitabo super omnes Pastorem unum, seruum meum Dauid. Atqui, Ioan. 10. Ego sum Pastor bonus. De quo meus Vicarius, 1. Pet. 5. spondet; Cum apparuerit Princeps Pastorum, percipietis immarcescibilem glorie coronam. Deque me percunctante, Christus cuius filius erit? responderunt Pharisei. Dauid. Denique 1. Ioan. 4. In hoc cognosci-

tur Spiritus Dei: Omnis spiritus, qui confiteatur IESVM Christum in Carne venisse, ex Deo est. &c.

III. Quin ADORANDVS sim, nihil dubitabant, Mat. 14. qui in nauicula erant; venerunt, & adorauerunt Eum, dicentes: verè Filius Dei es! Nihil tres Magi dicentes, Mat. 2. Venimus adorare eum. &c. Et procidentes adorauerunt eum. Nihil leprosus, Mat. 8. qui veniens adorabat eum. Hæsitabat nihil Syrophænis, Mat. 15. quæ venit & adorauit eum dicens: Domine adiuua me. Cæcus ille natus, sed illuminatus, & interrogatus, Ioan. 9. Tu credis in Filium Dei? Quærebat: Quis est, Domine, ut credam in eum? ait IESVS: Et vidisti eum; & qui loquitur tecum IPSE est. At ille dixit: Credo Domine: Et procidens Adorauit eum.

## QVÆSTIO XII.

*An Christus fuerit defectuosus, Deus mortuus, infernique perpeffus penas.*

XXVIII. ANTICHRISTIANISMVS.  
LUTHERVS in Pl. 16. Ienensi tom. 2. Christus verè ad infernum, secundum Totam Personam descendit, & ibi peccatorum nostrorum, in ANIMA & Corpore, penas luit.

CALVINISTÆ immaniora. Vide in meo Luthero-calui. p. 1. q. 52. & 42.

CHRISTVS. 1. Dixi in Psalme, 114. Anima mea in manibus meis semper. Atque tamen, tristis fuit Anima mea usque ad mortem; non tamen in mortem: Et tunc ceppi pauere & tadere; Non tamen desperare. Quin obuiam processeris, & dicto, Ego sum; abierunt retrorsum. Enimuerò, Ioan. 10. Ego pono animam meam, & iterum sumam eam. Nemo tollit eam à me. &c. Potestatem habeo ponendi eam. Hoc Iudæi non intelligebant; uti nec Luthero-caluinistæ.